

新式
標點
足本
隨園全集

碧映齋詩存
菰雲詩集
樓餘吟稿
且雪閣遺稿

南園詩集
蒲君詩集
閩南雜錄
樓居小萃

杜就田署



碧腴齋詩存

序

碧腴齋詩，妹婿書巢作也。書巢之詩，不得已而存焉者也。書巢弱冠舉于鄉，從桂林來修婚，兄弟禮既見，別別三十四年矣。聞其成進士宰什邡，走川峽，再爲東諸侯選郡，將登臨于泰岱瑯琊之罍間，凡一切大府艱巨事，皆所辦治。又性好交契，重然諾，廉俸朝入，饋遺暮盡。答四方箋奏，日春斗麵爲糊，五記室掌之手腕欲脫，猶不能遍。此其希通慕大，豈肯以一吟一詠，賓賓然作學子終哉？其所癖嗜，尤在于書，署中縹素山積，躬自排比，雖園澗所，猶手一編，拳拳不釋。今年秋，以詩集見寄，且曰：「子爲我序而行之。」嗚呼！吾今乃知書巢真欲以詩自存矣。今夫孔雀負青天而飛，方將追鳳凰，儀虞廷，不自知其身有丹翠也。及其折清風而振茫洋，無之則不覺自憐其尾，作吉光片羽之珍，使書巢當得意時，一日千里，隆隆而升，必無暇爲詩，就使爲詩，不過編成于故吏門生之手，甘苦終難自知。乃書巢之于宦途也，若稱意，若不稱意，莫益之，或擊之，三仕之，三已之，年垂六十，髮蒼然而室蕭然，除骨肉妻孥外，只此一編，與伴晨昏，其理而

存之也，可喜也，尤可悲也！然世之寵榮赫耀，十倍于書巢者，一旦聲漸影滅，沒世無稱，其效亦歷歷可觀矣。天之厚書巢，而使之有詩，書巢之能承天之厚之之意，而能工于爲詩，皆所謂三公不易者也。其梓而公諸天下也，奚疑哉！奚讓哉！惜余年衰，不獲與書巢多相唱喁，以抒老懷！且喜書巢詩集之成，得于吾身親見之，故爲述其生平梗概，以見書巢之所以爲書巢者，別自有在，原不與富貴浮雲同爲去留者也。至于其詩之淵源，得力處，諸序中申之甚詳，余不復贅。——隨園老人袁枚序。

碧腴齋詩存卷一

桂林胡德琳書集著

泊瀑布塘

維舟向古塘，晚唱迴柔櫓。漁火一江星，瀑聲終夜雨。

京師寓中消夏

陋巷無車轍，愁侵歲月過。懶宜知己少，貧怕受恩多。此地非炎徼，寒香夢碧蘿。敵裘猶未脫，去住兩如何？

宿富莊驛

客行猶未息，戍角起凌空。垂柳水逾碧，斜陽山更紅。邨荒難下酒，花細不禁風。渺渺征人影，低徊煙靄中。

德州道中

轆轤催去小車忙，煙堡人家入渺茫。鴉背倒翻殘照亂，蟲花細度晚風香。荒邨燈火林端隱，野路蓬蒿馬首長。欲問升沉無管輅，平原深夜飽星霜。

雙病鶴詩呈我村先生

仙標剩有骨嶙峋，狼籍文章付軟塵。綴後短翎常畏客，病中清淚尙驚人。九臯已遠心猶在，並翼相憐意更親。賴有支公能拂拭，沖霄會見上秋旻。

送浦山先生入都

弱齡慕至道，未遇餐霞人。東游過秦岱，邂逅逢上真。蒼顏駐太古，含華葆清神。澹泊迴難測，沖和復易親。心知抱祕要，不靳開示頻。陽光徹幽翳，靈藥授大春。迴視糠粃餘，邈焉汨淄塵。青鳥歛北來，翺翔周無垠。舊遊

一回首，天風吹白蘋。

初發錢塘夜宿閘口

吳歌聽緩緩，楚客又南征。傍晚臨前牖，孤舟對短檠。文章天漢影，風雨大江聲。繡被宵寒甚，停橈空復情。

泊富陽對月

日落渚烟橫，蒼茫客思生。寒雲連野岸，明月近山城。正抱舊鄉恨，況兼新別情。百端俄已集，戍角又悲鳴。

過嚴子陵釣臺

七里灘聲急，高臺俯亂山。斯人真放達，江水自潺湲。星伴孤舟冷，雲浮萬古閒。名泉傳十九，何處洗塵顏。

舟中望廬山

香鑪烟靄鬱，五老碧氣氤。嵐合方疑雨，晴開亦帶雲。清鐘來遠寺，白鹿念同羣。精舍今何似，蓬牕對夕曛。

讀琵琶亭集次蝸寄居士倡和原韻

二首

片帆昨日過江州，迅駛風烟不少留。遙見高亭卿落照，滿天霞影楚江秋。四野桑麻布好陰，碧幢紅旆幾登臨。香山送客公邀客，把臂風人盡入林。居士於亭中設粉版，以待過客之能詩者，採而付諸梓，斯集所由成也。

己巳九月用杜紫微齊山登高韻同范丈容安吳雲巢陸鶴巢

驚蓬浙瀝振霜飛，坐對江城曙色微。幾度悲秋長作客，始知望遠不如歸。黃花何處尋荒徑，碧樹多情戀夕暉。一片砧聲風外急，天涯遊子欲沾衣。

雨夜雲巢齋中分韻

秋雨灑空冥，西牕客共聽。簾垂千嶂黑，風晃一燈青。蟋蟀吟何苦，江湖酒易醒。巴山同此意，身世尚浮萍。

雪中寄懷雲巢三首

寂寥官閣久支頤，天外寒香有所思。一事今年惆悵甚，梅花夢冷竟無詩。官署無梅。空江渺渺遠愁予，清興能諧應有餘。遙想畫船呵凍管，吟成獨對玉蟾蜍。碧天初霽鳥還飛，明月青山獨掩扉。一徑寒封雲不度，長廊步屨近來稀。

對雪用東坡聚星堂詩韻東鶴巢

空山旅夢亂風葉，覆首重衾夜闌雪。紙牕侵曉急起來，披衣開戶叫奇絕。對面長蛇望悄然，老樹槎枒幾枝折。鱗次千家烟火遲，微茫一徑人蹤滅。悅視藍田好圖畫，筆底峻嶒同瘦掣。恰憐妙手此間在，一笑相呼青眼纔。凌寒把酒坐高齋，岸幘雄談無瑣屑。醉添槽櫓煖辛魁，鑪火光搖香篆警。個中清景獨君知，此外炎涼向誰說？急宜呵管繪蒼茫，莫使屏冰滿寒鐵。

庚午生日鄂渚寓中卽事

書劍飄蕭寄楚天，謾誇火色與蒼肩。江山勝概還如昨，已過周郎破賊年。

次韻送劉鳳岡歸越

澹雲徙倚楚天輕，握手山城別有情。二月好風吹袂薄，一江春水映帆明。杜鵑聲裏花初放，鸚鵡洲前草又生。我亦羣書悲落拓，不堪折柳送君行。

送客

落花飛絮是江城，日日江頭送客行。千古銷魂漢南路，一行高柳數聲鶯。

秋籟亭有感寄鶴巢

嶺雲越樹兩心違，執手河梁夕照微。黃鶴徘徊一千里，也應憐我不能歸。

雲巢自吳門以詩見懷次韻却寄二

首

無端小別又經年，不信魂消只黯然。明月夢迴桃葉渡，空江吟望木蘭船。也知燭影聯詩夜，時有鐘聲攪客眠。七字忽來千里外，露荷風細瀉珠圓。落盡桐花一徑香，新詩舊雨細評量。風流南國推吳季，文弱西頭愛陸郎。謂陸機官柳依依春色遠，芳洲淼淼碧波長。故園況復思兄弟，回首天涯淚幾行。來詩調及家鐵臣尚未楚。

秋夜用昌黎秋懷詩韻十一首

良田薄晚耕，嘉種猶薿薿。燈火趁新涼，雞鳴聲未已。同舍嗤愚騷，高枕厭駘耳。斯事出本性，風雅思振起。慨然念俗學，剽竊空形似。羊質而虎皮，炫燿何足恃。致用在窮經，閉門將掃軌。持此謝同人，凍餒吾亦喜。大造均雨露，厥初無榮悴。君看籬下菊，豈必生高地。寂寞向三春，衆草空騷恣。秋風發古香，凌霜遂獨異。英英八桂林，迢迢千載貴。古道闢荒榛，長路何曼曼。陋室即安

居，至味寓蔬飯。哲人盡當境，其外復何願。能尋此中樂，嗜飲不待勸。商歌出金石，貧病去相萬。文繼徒施身，美玉豈自獻。何以對天人，無暇論尤怨。清飈過篋竹，直幹誰能凌。不爲折節士，恥作被凍蠅。柔顏備百態，攬鏡應自憎。不見寒山高，瘦骨矗鋒稜。澄潭淨餘滓，羨魚宜結簪。緣木而求之，曲鉤非吾能。朔鴈從風來，半夜有所警。歷歷星辰明，杳杳河漢永。萬里欲雪霜，六合潛驚猛。玉牀汲井華，心苦轉素綆。生年值太平，草木亦有幸。黼黻倘可期，逍遙敢退屏。楚館有餘清，流連惜光景。拄笏向西山，朝日寒罔罔。驚蓬匝地飛，連沼歎浮梗。名士署馬曹，健步無由騁。何物桓將軍，生死尙固請。大智常若愚，吾道宜從闕。古今何可窮，天地猶有憾。所悲虛歲時，經逸類魚瞰。儒素出家風，攻苦能食澹。奕葉中凋零，讀書媿泛濫。塵事汨性靈，誦久記惟暫。辟乘浩劫，船危風欲脫。纒何日登崇文，萬卷俾校勘。鐘鼎又何加，區區石與飯。前年忝賢書，驅車何軒軒。厲行幸接羽，驥足相追奔。墳簞迭唱和，山川入笑言。春官悵失意，飄

墮事異前。風塵一回首，念之不能餐。仄聞客鄉縣，兀兀守一編。我獨遠留滯，辛苦歷萬千。秋花明踽踽，歧路增悲酸。浮名奪至樂，翻憶兒童年。明月照虛幌，獨飲樽忽乾。小醉成遠夢，叢樹環珠玕。一二同心人，握手問平安。其道長相憶，古井無波瀾。言辭苦未畢，溟海升金丸。塞雞忽長號，驚醒如墮鞍。夜氣日凜肅，萬慨同一聲。空亭落葉下，涼露綴微明。松柏仰老幹，葵藿餘丹誠。香葭詠采采，流水空盈盈。秋風思鱸膾，江東一步兵。謂潘山先引。習坎得靜止，晚節當敷榮。白雲正滿屋，高臥誰使令。淥水媚芙蓉，芬芳競言好。涉江人共采，傳聲亦何早。秋雨忽離披，顏色不自保。乃知古賢達，枯木甘形槁。沒世疾無釋，虛名何足道。

九日得鶴巢雲巢書并示諸同人二

首

遙天風細碧波長，木葉蕭蕭襟袖涼。白下故人來尺素，黃花今日又重陽。離心久逐歸帆遠，酒態空餘落

帽狂。知否庾樓成獨眺？舊遊蹤跡已蒼茫。幾回長嘯獨憑闌，靜對浮雲俯仰寬。何處笛聲驚鴈落？一樓山色撲人寒。雨侵砌草痕猶綠，秋老江楓葉未丹。楚客相看無賴甚，向來慷慨笑無端。

渡江二首

巨艦何崑崙！小舟時簸漾。天寒潮未來，銜尾不得上。寒日映江心，凍雲迷江口。何處古蕪城，春風蕩楊柳？

歸舟雜興

小姑眉黛暎秋空，穀影靴紋碧一弓。不識彭郎緣底事？任他拋擲浪花中。

將抵廣陵

十里蕪城近，遙看雉堞齊。愁心揚子水，曉夢汝南雞。風定檣帆直，天寒塔影低。可憐新種柳，衰颯滿長隄。

以詩代書寄家人

夜雨從西來，寒燈颯蕭爽。遙聞牕外聲，夢破空江。
碌碌復碌碌，長年知昨非。男兒有遠志，切莫寄當歸。

北征雜詠

北征殊節候，長路苦漫漫。春半草初發，雪晴天更寒。
斯人猶凍餒，吾道自艱難。披帽風塵裏，閒愁閱萬端。
動息真無定，饑寒事不常。家貧諸客苦，人倦覺途長。
日曬茅簷暖，風吹麥餅香。羨渠不識字，安穩牧牛羊。
田家有月令，春事及時營。乍暖人疑雨，奇寒天欲晴。
老農常共話，瘠土已深耕。回首鄉園在，荒蕪祇暗驚。
冰花開積潦，雪浪蹴平沙。道古人蹤絕，天寒日影斜。
小車遲駟馬，細路問三叉。目斷前林晚，歸飛噪暮鴉。

過淮

過沂州

葦荻編爲室，蘆薪織作簾。過淮春色減，向曉北風尖。
密密霏霏下，征衣旋旋添。禦寒思貰酒，何處覓青帘？
長征雨雪苦難支，乍喜輕寒上面吹。日暖雲山浮遠黛，
天清露柳冒游絲。晴光遙映飛鳥樂，和氣初回敵絮知。
好是暮春時節近，高風何處想清沂？

山行卽景

新晴連日減春袍，路轉寒光上野蒿。澗道陰森留雪久，
山田聲磬入雲高。烏犍礪石眠芳草，白鳥將雛理毳毛。
無限詩情吟不盡，斜陽人影下平皋。

得雲巢大魁之信志喜一首

仙槎幾日上瀛洲，姓字喧傳播九州。人似仲華年正少，
才如季重遇偏優。綵箋獨射金門策，月斧高攜玉殿秋。
若使南宮非僥得，藝林盛事備三頭。
雲巢以省元試

南宮時，關中亦稱第一。楚館論心憶往年，風流人望出羣賢。黑頭有志羞溫飽，青眼無塵對簡編。編昔蒙吳季雅，著鞭今讓祖生先。烏絲墨寶追前輩，真署人間第一仙。雲集有狀元墨寶，曾於科前輩之筆，曾乞題作詩，有「墨君預寫」句，親署人間第一仙之句，今果然，亦異事也。

碧腴齋詩存卷二

桂林胡德琳書集著

送家鐵臣歸粵

臨歧制淚恐情傷，萬里關河路正長。我亦欲歸悲落拓，君今何事病佯狂？人情大有杯中影，身世宜尋肘後方。珍重老親雙鬢白，斜暉遠望立蒼茫。

哭鶴巢一首

脫聘舊館記徘徊，雪夜曾經訪戴來。羽鍛秋風辭碧落，花飛上苑點蒼苔。離鸞操苦傷神久，鷓鴣去歲悼亡雛。鳳聲清脫抱纒，可以幼子兄話愁絕白頭雙老在，蘭摧玉折不勝哀。載酒題襟向楚天，風流季子實神仙。謂雲遙腰婉我難齊足，馬首期君好著鞭。一夕飛沉容迥隔，百年生死事憂煎。閒鷗野鷺今零落，獨立江湖意惘然。

聞雲集典試粵中

國家累葉重孝治，宏恩大澤推今年。萬安宮中備典禮，使者四出車連翩。帝念邊隅遴哲匠，誕敷文德同昭宣。吳君去歲魁天下，慶霄高步凌三千。西清侍直未半載，宸衷簡注親講筵。乍聞星班列嶠首，又持玉節清蠻烟。吾粵風氣近淳古，溯源端賴西江瀚。維兩中丞楊開庵先生錫綬與李穆堂先生綬文治輝暖相後先，中間方伯今唐介，我村先生綬祖。輔理樂育尤拳拳，山長更得赤水裔。原寄村先生祖循循誘進期精研，每逢省試人濟濟，科名往往驚蟬聯。前年吾兄領鄉薦，鴈行忝接同高薦。榜下頗聞無異議，問名大半皆英賢。自別家園事奔走，消息五載空茫然。君今親銜鳳詔往，到日玉尺憑衡銓。片玉一枝搜應得，元燈衣鉢從流傳。鹿鳴宴罷公事

畢遠近勝蹟應繁綠。城南陋巷敝廬在。草迷三徑常芊芊。倘念交情一命駕。闔里誇耀知喧闐。因思同日客鄂渚。細論雪夜分青氈。采風已能慎持擇。雙眼如鏡秋雲鮮。桐音今待中郎發。此語於我何有焉。義與雲集在楚中。聞采風卷別後。寄下詩有「新曲剩留湘史相音待發漢中郎」之句。

歸路過此一展眺。晴川萬柳情應牽。鮪生自顧猶故我。江湖落魄恆速遄。故鄉負弩志未遂。珂里泛梗誰相憐。僕指春明將見面。狂呼先索西征篇。

清明後二日湖上有懷亡友鶴巢

已過踏青節。沿流草色長。天將垂柳碧。人帶落花香。泉冷鳴春雨。山孤倚夕陽。黃公鐘畔過。流恨欲沾裳。

林處士祠和壁間徐東癡韻

裏外湖連一碧環。孤亭突兀片雲閒。鶴歸華表天邊迴。花放吟魂月下還。寂寂祠堂生蔓草。丁丁樵斧響空山。濟南高士留佳句。今古清風伯仲間。

上已陸甥豫庭邀同朱雨森汪汲三趙瑞符脩禊西園

陸家兄弟謝家甥。玉塵揮塵解送迎。洛水宜從名士戲。長安誰賦麗人行。粉雲對酒花初落。園有游棠一樹色甚藍。陸甥以「粉雲」呼之。櫻筍登盤眼乍明。醉後忽憐衰倚馬。謂立齋。閉關風味有餘清。

上已後三日復偕香亭豫庭曉巖步至湖上三首

說著湖山興欲顛。新晴又值豔陽天。家人解識相料理。爲典春衫作酒錢。兩岸銀沙與雪同。桃花笑日柳牽風。畫橋佇立頻回首。身在紅雲綠霧中。吾愛吾家淡蒼老。孤山兩和八梅詩。今來樹樹皆新種。正是空亭花落時。

游紫雲洞

岡迴分高底，樹密隱巖巖。由直方曲遵，自下乃上達。窺洞已陰森，入門稍開豁。神工訝天鏤，絕壁驚地拔。絃雲滃欲生，佛像儼如活。庵僧解相迎，苦茗散煩渴。偶與談古今，頗能悉顛末。結夏約重來，山轡不須脫。

游金鼓洞自金果泉登雲水閣

碧玉森萬竿，碎影日光漏。籬落近村野，規模亞靈鷲。覓路見雙扉，抗策聊一扣。石臺左翼張，雲閣在洞左。偏茅屋中甕覆，烹廚生炊烟。因山妙結構，寒泉清若空。高閣呀不仆，詎聞金鼓喧。獨愛雲水秀，亂樹浮遙天。小牕納衆岫，塵襟得淨滌。夕景歛奇幘，義轡不可停。俗駕難久留，羨彼黃冠子，遡覽飽昏晝。

暮春齋中示內子二首

湖上三月暮，草長聞啼鶯。旅館意不愜，久傷游子情。坐念靈椿老，忽忽歲又更。緬維牽衣別，詎等絕裾行。飛蓬離根本，五載隨風征。遠游古所戒，一事今何成。捧

檄雖未遂，自可力躬畊。胡爲苦留滯，暗對流年驚。夕陽明炯炯，空懸愛日誠。事親在承志，至樂唯聚首。娶妻非爲養，此語可知否。不見古賢媛，親身事杵臼。雞鳴相夫子，同心卽佳婦。汝亦知書人，頗能奉箕帚。所恨異鄉縣，歸甯因父母。遂令廬下居，遠離堂上舅。吾兄昨病歸，猶能及春酒。弱弟蚤成人，拜跪分先後。獨我此遠客，中心時自咎。行也警懷安，歸歟奉老壽。

壬申冬捧檄入蜀道中感懷寄都門諸同學

炎方有客窮不死，病後狂歌入帝里。文場一戰儼背城，燭盡三條空隱几。祇言康了報兒童，淡墨書名偶然耳。金門射策揮萬言，宰相動色屈一指。十步思凌丹閣前，得官乃在蠻荒底。蜀道之難登青天，常擬浮桂學漢使。近承韋朴遠相招，夢醒猶疑今果爾。昨病臥舟中，夢江工部章端已見過。成都天府古稱雄，高閣白雲長劍倚。三峨遙接十二峯，內外江流連越嶲。天生行脚打包僧，

要令胸中飽山水。堂前老父況七十。士亦有時爲貧仕。
兩地浮家舊自危。五斗折腰焉敢恥。蕭蕭風雪滿驪車。
一肩襁被催行李。三年上考且休論。萬里之行從此始。

曉發獲鹿

移騎馬蹄聲。青山向曉行。土窖全似甕。石屋半如
城。霧氣含沙薄。泉聲過雨清。陘關在天際。隴樹與雲平。

井陘

危陘卅里下深溝。隴首連雲起戍樓。日色冷含千
嶂出。風聲潛挾兩河流。蒼巖雪隱隋家寺。赤幟烟消漢
代侯。一笑耳餘堪齒冷。談兵空借敵人謀。

過固關

雄關驚陡絕。直下井陘西。霧霰青泥滑。霜梯白練
迷。馬蹄轟斷棧。鳥影落深谿。戰地多遺鏃。空山長蒺藜。

壽陽道中二首

寒雲屯七嶺。曉月片泉路。馬尾風蕭蕭。微茫見烟
遙遙壽陽驛。百里起鄉愁。新月蛾眉影。一痕生馬
頭。樹。

太原謁我村先生二首

春回小草長芳蓀。病後投瓊語更溫。載筆未能趨
鳳闕。握衣因得謁龍門。天開恆嶽知山峻。路指岷江溯
水源。桃李無言花自發。好將清白答公恩。大江波浪
夢頻驚。五嶽填胸最不平。勁節轉從霜後健。丹心真向
日邊明。臯夔事業君雙鬢。韓范聲名震百城。遙指寒鴻
尋往跡。幾回清淺話蓬瀛。

榆次留別錢令之清二首

早熟舍人名。風流有惠聲。吟詩追古澹。爲政戒紛
更。江上久攜鶴。隴頭方聽鶯。梅花與秋水。心跡喜雙清。
僕本悠悠者。行蹤類轉蓬。傳經憐未遂。製錦想難
工。匹馬千山路。盤鵬四野風。臨歧無限意。所得是匆匆。

欲雪

欲雪驚寒甚，癡雲四嶺封。天低如潑墨，寺遠不開鐘。枯柳流烟直，輕塵帶霧濃。誰知幽谷裏，猶有後凋松。

過豫讓橋

知己由來異感恩，此心難與衆人論。野橋鳴咽聞流水，疑有當年國士魂。

荊家灣

聞說襄陵縣，洪流太古荒。地形盤馬曲，山影臥龍長。冰泮魚遊藻，天寒鶴在梁。西園無處覓，白墮酒帘香。

小歲日宿油杜汎

適徭沉湘事等閒，殘年飽閱道途艱。時當官柳江梅候，人在秦關漢水間。野店祭餘烟竈冷，征衣塵雜酒痕斑。豆砂粉餅堪供醉，遠客逢春一破顏。

青陽林

天清宿露披，叢薄曉風悲。亂樹多於髮，寒山翠似眉。朝烟生土屋，殘雪覆茆茨。過客耽吟詠，羸驂時一嘶。

潼關

昔是桃林塞，今爲潼谷關。青天低遠岸，白日小塵寰。雪淨烽烟斷，花明野戍閒。由來不在險，棄甲幾人還。

望華嶽

金天劃元氣，削出三尖峯。遙視不可極，但覺烟霧濃。稍近氣散朗，霜刃明鋸鋒。亂堆碧琉璃，萬朵青芙蓉。渾淪出圭角，巔另增神丰。頂有太古雪，時復經殘冬。積素飄縞帶，環珮鏘璫琤。玉女開口笑，蓮花作殊容。明星曉未落，呼吸通帝宮。餘峯繁羅列，儼若兒孫恭。其末勢蜿蜒，踴臂垂蒼龍。高飛兩青雀，指引羣仙蹤。徑欲抽手板，一拄九節筇。

途中望二華

連山如洪濤，一瀉不得住。散作平岡低，萬壑此爭赴。奔騰勢未已，倔強有餘怒。數里漸逶迤，坡陀相錯互。草木何繁滋，容裔欽美度。落日下翠微，蒼蒼羣峯暮。白雲幻奇形，屢顧有時誤。

以望嶽詩寄雲巢復題其後

高齋曾見太華圖，以手捫壁相驚呼。祇惜絕景空形摹，青眼狂歌謂吾子。人生富貴真徒爾，欹崎歷落宜如此。薄宦西來落眼前，恍如坐我高齋邊。對山思闔小嘽然，作詩遠寄生霞想。宗文臥游在天上，試爲鳴琴衆山響。

碧腴齋詩存卷三

桂林胡德琳書巢著

雪夜聞笛

風雪蕭蕭已二更，誰吹玉笛作新聲？
梅花香遠三春動，楊柳愁多一夜生。
繡被有人空冷落，紙窗無月自虛明。
那知獨客長安裏，縮腳孤眠夢不成。

除夕寄內二首

明燈白髮倚慈親，弟妹歡娛斗室春。
遙識團圓同守歲，停杯說著遠行人。
遠道音書幾日還，不知身在古長安。
芙蓉枕上今宵永，有夢翻憐到亦難。

咸陽早發大雪

夜宿咸陽月已黑，衾裯潑水驚寒極。
曉起階除積雪深，瓊瑤三寸堆門闥。
雪出門雪轉大，四野連天成

一色。岡嶺低坳遠樹平，人家出沒孤烟直。
龍蛇大澤隱曲盤，狐兔深山潛走匿。
此時宜獵南山南，不若且臥北山北。
胡爲瑟縮向道旁，車殆馬煩空太息。
長安漸遠茂陵近，松柏蕭蕭晚更急。
回風飄灑滿征衣，舉頭望斷歸飛翼。

有所見

秦娥嬌小能騎馬，袖拂金鞍款款行。
一片碧紗籠曉霧，教人對面不分明。

連日望終南山在雲霧中今日稍晴
數峯歷歷可觀喜而賦詩

鳴鳳高已翔，寶雞遙在望。
數里崖谷間，四野忽空曠。
終南對面出，長戟森相向。
晴雪明千堆，寒光紛萬狀。